

Ō whiwhinga NCEA

Ka whakarāangi ō whiwhinga katoa i raro i tō tau ākonga ā-motu (NSN) ki tō **Rārangi Whiwhinga NCEA**. Kei te hononga nei www.nzqa.govt.nz/login ngā whakamārama mō te takiuru kia kite ai āu kōrero whaiaro, ā, ka tuku anō hoki ki tō kura hei te marama o Hune.

Te tuku whakatau whakamutunga ki ngā whare wānanga me ngā kuratini

Hei te Hanuere 2023, ka tukuna e NZQA ngā whakatau o te Taumata 2, o te Taumata 3, me te UE ki ngā whare wānanga katoa o Aotearoa me ētahi o ngā kuratini. He mea akiaki noa i tā rātou whakauru ākonga. Ki te kore koe e hiahia kia tukuna atu ō whakataunga, me **mātua whakamōhio** atu i tō kura.

Te ako ki tāwāhi

Mēnā e hiahia ana koe ki te ako i tāwāhi, me tere whakapā atu ki ngā whare ako e aro ana. Me mātua mārama hoki ki ngā ture, ngā tukanga me ngā rā aukati o te whakauru. E taea ai e ngā whare wānanga katoa o Ahitereiria te whātoro atu ki ō whakataunga, māna kia whakahē koe i te tuku tūmatanui atu.

Ngā whakamātautau matihiko NZQA

E 24 ngā marau kua ekea ki te pae matihiko i tēnei tau, ā, ko te Mahi Pāpāho te whakamātautau matihiko mō Te Hiranga 2022. E mōhio ana tō kura ki te rārangi whakamātautau matihiko, ā, mā rātou anō koe e tautoko e ai ki ngā whakaritenga

Ngā mahi whakarite mō te whakamātautau matihiko

Me tika tō āta whakariterite mō te whakamātautau matihiko, pērā i ērā whakamātautau noa. Kei te hononga nei he tūmahi kia waia haere koe, kia whakarite hoki i tō rorohiko mō te pae matihiko:

<https://www.nzqa.govt.nz/ncea/ncea-exams-and-portfolios/external/digital-exams/>

Mō ētahi atu whakamahuki: www.nzqa.govt.nz/ncea
Kōrero rānei ki tō kura



Te whakauru i te NCEA me
Te Hiranga o Aotearoa.

He aratohu whakamārama mō te
ākonga, ngā kaitiaki me te whānau
2022

NZQA

NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

Tēnā koutou katoa,

Ko te **Tiwhikete Mātauranga Ā-Motu O Aotearoa** (NCEA) te tohu mātauranga matua mō ngā ākonga kura tuarua katoa i Aotearoa. He kauwhata paerewa tōna hanga, he paerewa tarāwhare, tarāwaho hoki hei whai whiwhinga. Ko te tukanga aromatawai mō te paerewa tarāwaho, he whakamātautau, he whakarite kōnae mahi rānei.

Ka whai mana te NCEA ki ngā kaiwhakawhiwhi mahi, ā, he kōwhiringa hoki mā ngā whare wānanga me ngā kuratini i Aotearoa, i tāwāhi hoki. Ko **TE HIRANGA O AOTEAROA**, he whakanui ā-pūtea nei i ngā taurira mātanga, he takoha noa ki te utu o te whai tohu mātauranga matua.

Me pēhea au e whai i te NCEA, i a Te Hiranga o Aotearoa rānei?

Hei te wā ka tukuna tō kura i āna kōrero whakauru ki a NZQA i te Māehe, ka uru noa koe hei ākonga NCEA. Mēnā hoki ka hiahia koe ki te whai i a Te Hiranga o Aotearoa, ka whakaurua anō koe e tō kura.

Ka rārangiāhia ō whakatutukinga paerewa ki tō rārangi whiwhinga NCEA o Aotearoa (ROA).

Me he ākonga koe ki akoranga kē atu pēnei i Te Aho o Te Kura Pounamu, i tētahi atu whare mātauranga matua rānei, me mātua whakamōhio atu ki tō kura.

Mō ngā whakamahuki: www.nzqa.govt.nz/ncea/ncea-results/

Te whai taumata 1, 2, 3

NCEA Taumata	Ngā Paeruru
Taumata 1	Me 80 whiwhinga kei ngā taumata e hiahia ana engari me 10 whiwhinga mō te reo matatini me āna paerewa, 10 whiwhinga anō mō ngā tohu tau me āna paerewa.
Taumata 2	Me 60 whiwhinga o te taumata 2 (neke atu rānei) me te 20 whiwhinga kei taumata kē atu. Me whakatutuki hoki ngā herenga mō te reo matatini me ngā tohu tau i te taumata 1.
Taumata 3	Me 60 whiwhinga o te taumata 3 (neke atu rānei) me te 20 whiwhinga kei taumata te taumata 2 (neke atu rānei). Me whakatutuki hoki ngā herenga mō te reo matatini me ngā tohu tau i te taumata 1.

Me he pātai āu mō ngā herenga o te reo matatini me ngā tohu tau, kōrerohia ki tō kura. Mā rātou anō ngā tukanga NCEA o te kura e whakamārama.

Te Wātaka Whakamātautau o te mutunga tau

Kei te pae tukutuku o NZQA te wātaka whakamātautau mō te tau 2022 www.nzqa.govt.nz/timetable. Me he tūtuki a ngā whakamātautau, mā NZQA me tō kura e wānanga i te whakaotinga.

TE AROMATAWAI HIRA (SAC)

Me he tamaiti hauā koe ā-hinengaro, ā-tinana rānei, ka āhei e koe te whai tautoko mō ngā mahi aromatawai i te tau. Ko te aromatawai hira tēnei 'Special Assessment Conditions'. Ka tuku tonu āwhina tō kura ki a NZQA, ā, ki te whai mana, ka whakamārama atu tō kura i ngā whakataunga. Kāore he utu mō tēnei tukanga.

Mō ngā whakamahuki o te Aromatawai Hira: www.nzqa.govt.nz/sac

Me pēhea au e whai i te tohu Whakauru Whare Wānanga (UE)?

Ko te UE te paeuru matua hei tono ki te ako ki tētahi Whare Wānanga i Aotearoa. Kei a rātou, kei ngā whare mātauranga matua katoa, ā rātou ake paeuru whakauru mō ngā momo hōtaka. Me kōrero tahi ki a rātou kia mārara pū ai ki ō rātou ture mō te whakauru ākonga me te whakauru hōtaka hoki rā.

Kia whai i te UE, me whakatutuki i te:

- NCEA Taumata 3
- 14 whiwhinga kei ngā marau UE
- Reo matatini - 10 whiwhinga kei te Taumata 2 (neke atu rānei):
 - 5 whiwhinga mō te paerewa pānui
 - 5 whiwhinga mō te paerewa tuhituhi
- Ngā tohu tau – 10 whiwhinga tuhituhi kei te Taumata 1 neke atu rānei.

Mō ngā whakamahuki www.nzqa.govt.nz/ue kōrero rānei ki tō Kaiako.

Te utu mō ngā ākonga nō tāwāhi

Kāore he utu mō te NCEA me Te Hiranga o Aotearoa ki ngā ākonga taketake o Aotearoa. Heoi, me mātua whakautu ngā ākonga nō tāwāhi i ngā tahua e whai nei:

- *Te whakauru NCEA* \$383.30 ia ākonga
- *Te whakauru Te Hiranga* \$102.20 ia marau

Me tuku te utu ki tō kura. Mā rātou anō ngā tukanga o te whakauru e whakamārama, tae atu ki te utu me ngā wā o te utu.

Ka utungia ngā nama katoa e tō kura me te tuku ki a NZQA i mua i te 31 o Oketopa 2022.